

Despues di 1967 curso y 20.207 graduado:

ORGUYOSAMENTE ENSEÑANZA PA EMPLEO A CUMPLI SU DIEZ ANIVERSARIO

Specialmente pa nos edicion di awe, dedica na tur trahador di Aruba riba Dia di Labor, esta, diabierna 1 di Mey, DIARIO a entrevista Sr. Van Drie, director di Enseñanza pa Empleo, cual institucion a cumpli su prome diez añanan di existencia.

UN TIKI STORIA

Sr. Van Drie ta relata en corto con e idea pa lanta Enseñanza pa Empleo a nace: "Enseñanza pa Empleo a lanta tempo cu Lago a cera y cu Aruba tabata bao di gobernacion di partido AVP.

Mi ta corda cu Ministro di Enseñanza e periodo ey tabata Mito Croes kende a acerca mi y pidi mi pa asumi e cargo di director, y a pone e responsabilidad grandi di e school aki den mi man y di e docentenan cu por tabata disponible pa bin duna les. Nos a cuminsa cu 20 curso riba dia 23 di april di 1988, specialmente dirigi riba tereno tecnico y hotelero. Entre otro por menciona: Metsla, Carpinte, Pipefilter, Ponedor di Azuleho, Mididor di tereno, Waiter, Asistente di Kokki, Bartender y Front Office".

E meta principal na aña 1988 tabata pa yuda e extrahador nan di Lago haya otro empleo. Pero cu transcurso di tempo e interes pa e school a crece y mas curso a bin acerca, y cu esaki e meta tambe a cambia.

"Awendia tur trahador na Aruba por bin na remarca. Hopi hende ta bin sigui curso ya sea pasobra nan a cambia of kier cambia di trabao, of pasobra nan kier amplia nan

conocimento", Van Drie a acentua.

DI 1989 PA 1998

Pa e prome cursonan a gradua un total di 233 persona. Na aña 1989 e total di cursonan tabata 99, incluyendo esnan riba tereno tecnico y hotelero. A worde incorpora cursonan di idioma (Ingles, Aleman y Portugues) basico y avanza, y ademas: Small Business, Open Water Diving, Housekeeping, Schilderen, Baking & Pastry. Na 1989 un total di 1110 persona a gradua den e diferente cursonan mencionada. Na aña 1990 a duna 215 curso di cual un total di 2022 diploma/certificado a worde otorga. E aña aki a bin acerca cursonan manera: Rescue Diver, Dealer, Musica, idiomanan Hulandes, Frances y Spaño, Tecnicanan di Supervision, Relacion cu Guest, Control di Costo di "Food & Beverage", Lassen-I, Pipe Lay-Out, Computer, Carpinteria fini, y Cushina Avanza.

Relaciona cu e curso "Tourist Guide", señor Van Drie a indica cu e ta bon pa taxistanan probecha di dje, pero lamentablemente nan no ta hacie.

"Na 1991 nos no a introduci ningun curso nobo, pero solamente nos a sigui cu esnan cu a cuminsa entre september y october '90. E aña ey nos a otorga 207 diploma/certificado.

Na 1992 tabata tin 255 curso, cu un total di 3125 cursista cu a gradua.

Na 1993 a worde impartì un total di 300 curso, pa cual a

gradua 3280 estudiante.

Na 1994 a duna 284 curso y a gradua 3045 persona.

Na 1995 a impartì 189 curso pa un total di 2367 graduado.

Na 1996 a duna 296 curso cu un graduacion di 3304 cursista.

Na 1997 tabata tin un total di 295 curso, y a entrega dia 22 di april ultimo 1194 diploma/certificado.

Den e transcurso di 1988 te 1997 Enseñanza pa Empleo a duna un total di 1967 curso, graduando un total di 20.207 cursista.

Pa lora ta trata 1998 Enseñanza pa Empleo a cuminsa cu 82 curso so, pa cual tin 2.140 persona inscribi. Esaki pa motibo di falta di presupuesto, segun Sr. Van Drie a splica.

E cursonan actual ta Boekhouden, Computer, Ingles, Papiamento, Waiter/Waitress, Kokki, Bartender.

CURSO DI COMPUTER

Computacion ta un di e cursonan cu a bin acerca, y cada vez tin mas demanda pe.

"Hendenan cu nunca antes a haya conocimiento di computer a bin haya curso na Enseñanza pa Empleo. E ta un curso hopi interesante y ta yuda hopi hende. Ta un di nos cursonan pa cual nos ta haya mas demanda".

E curso aki ta special y prioritariamente pa trahador Arubiano, of residentenan cu tin hopi aña biba na Aruba y cu pa nan trabao conocimiento di computer ta indispensable.

"Pa sigui e curso aki e cursista mester sa Ingles pasobra computer ta papia "Ingles", van Drie a bisa, y el a haci enfasis cu e cursonan di computer a worde probecha hopi pa ex-abmte-naanan cu a baha cu lump-sum despues cu gobierno a

bin cu e opcion aki na aña 1994. Hopi di nan cu a drenta sector priva a sigui recapacita den computacion y cu exito.

Actualmente nos a cuminsa cu curso nobo di computer cu ta encera: Corel Draw, Excell y Corel Wordperfect 7.0", Van Drie a splica.

PROXIMO "CRASH COURSE"

Pa vacacion grandi Enseñanza pa Empleo lo impartì un curso di computer asina yama "Crash Course", cu lo tuma un total di 4 siman, y lo worde duna sea 3 of 4 biaha pa siman.

Studentenan cu a caba HAVO of WWO por probecha di dje, pero e personanan cu ta bin cu carta di trabao tin preferencia. Pa un curso di halto nivel Enseñanza pa Empleo ta pidi un prijs bastante abao cu ta solamente 50 florin.

Celebracion di Aña di La Reina na Jacintha Kleuterschool

Jacintha Kleuterschool ta invita un y tur pa celebra Aña di La Reina hunto cu nan Diahuebs dia 30 di April. E actividadnan lo cuminzapa 10'or di mainta en adelante. Lo tin benta di cuminda crioyo, soppi, bolo, tert, snacks, coy bebe etc. Tambe lo tin un vlooiemarkt, bon surti cu articulo

di cas, coy hunga, buki etc.

Lo tin rifa di varios articulo atractivo.

Bin participa nan nan competencia di hisamento di flie y tambe na e weganan popular. Bin pasa un rato agradable den compania di bo famia y amigonan na Jacintha Kleuterschool



1 Mei - Dia di Labor

*Ma tur nos
fiel trahadornan!
Dabien cu boso
dia y danki!*

Gerente y Staff di

**RHODHANA SECURITY
SERVICES & CONSULTANCY N.V.**

